



Telangana nung Congress-i sorkar kümötetsü: Gehlot

VOL. XXI NO. 52 (ADOK 52) DIMAPUR RASEMNÜ (WEDNESDAY) YIMPOKSÜ (NOVEMBER) 29, 2023 ₹ 5.00

NSF-i electricity shitak agütsütsü ayongzükog

Dimapur, November 28, 2023 (TYO): Naga Students' Federation (NSF)-i sorkar dang kaketshirtem tatidang mapang electricity supply shitak agütsütsü ayongzükog.

Nagaland nung kaketshirtem tatidang agütsütsü atema renemdang power outages aser load shedding kanga bulur aser iba ajanga kaketshirtem timtem ajurur, ta NSF-i ashi.

Kaketshirtem taküm nung electricity ya kanga tongtipang kechiyong iba ajanga parnok Laptop, Tablets amshir aser tesangwa angur. Ajisüaka Khuvung nati sangdong nung ashi.

Nagaland-Assam arrtsü atema senden ka amen

Kohima, November 28, 2023 (DIPR): Mon (Nagaland) aser Sivasagar (Assam) district ketdangsürtem November 23, 2023 nü külem senden ka menogo.

Augrijan Tea Estate, Naginimora nung amenba sendenji Assam ketdangsürtemi Nagaland tsütsü ozüng alemi

Pillar Post ka asongba atema liasü.

Senden nung Mon aser Sivasagar district ketdangsürtemi arrtsü dak sendakba tebilemtsütem benoka lemsatep aser ajaki hahaura akatsüsa lemlet ka agitsü lenmang bushiteptsü mulungtep.

Assam opposition party temi CAA magizüksü

Guwahati, November 28, 2023 (Agencies): Centre sorkari Citizenship (Amendment) Act (CAA) mapa tenzüksü merangra Assam nung Opposition party temi anema noktaktsü metedaksügo.

Union MoS for Home Ajay Mishra-i sangküm March tashi nung CAA final draft renemtsü ta ashiba sülen anogo ka lir Assam nung Opposition party temi iba osang metedaksü.

Assam nung alirtemi temzungi memelaba ozüng benokba anema noktaktsü aser iba ya Assam Accord 1985 nung lateta aliba anema lir, ta opposition party temisa ashi.

Deobarnü West Bengal nung Mishra-i Matua nunger den jembidang CAA maparen tenzüksü renemdar aser sangküm March ita tashi nung final draft renemtsü ta shia liasü.

Matua nunger dang nungi nisung shingaia 'citizenship rights' rakzüka bener moutettsü ta Uttar Pradesh nungi BJP MP Mishra-i ashi.

"Bangladesh nung Hindu nunger reshikangshiba ajanga India-i marutsü atema Centre-i Bangladesh dang Hindu nunger kümzüka ayutsü atema rongshitsüla" ta Congress MP Abdul Khaleque-i ashi.

"India-i teka salar Bangladesh yarir saka par sorkar dangbo Hindu nunger kümzüka ayutsü meshiteter. Asen BJP sorkari tamangba yimsü reshikangshiba tenüng amer Hindu nunger asen linüki anir arunür" ta pai ashi.

"BJP-i jembiba ama inyaker. Ayodhya nung Ram Mandir mesüra Ayushman Bharat scheme mesüra CAA süang onoki mapa kümä inyaker" ta Jitu Goswami-i metedaksü.

Ajisüaka, BJP MLA Jitu Goswami-ibo BJP-i nangzükba ama inyaker ta ashi.

"BJP-i jembiba ama inyaker. Ayodhya nung Ram Mandir mesüra Ayushman Bharat scheme mesüra CAA süang onoki mapa kümä inyaker" ta Jitu Goswami-i metedaksü.

Silkyara lungpok nung anenbanger nisung ajak kümzükog



Uttarakhand Chief Minister Pushkar Singh Dhami aser Union Minister VK Singh nati mapa inyaker ka pelaa agizükba angur.

New Delhi, November 28, 2023 (Agencies): Uttarakhand nung Silkyara tunnel yanglur nisung 41 kümzükog. November 12 nü lungpok anenzükba sülen mapa inyakertem tatoklen melii anenbanger sülen anogo 17 lir parnok ajak kümzükog.

Silkyara tunnel atema rescue team-i rat-hole mining mongin kar teyari agia nisung 41 kümzükog. Silkyara tunnel telungi rat-hole miners ia mapa inyak aser parnok den National Disaster Response Force (NDRF) o State Disaster Response Force (SDRF) teloktemi yaritepa anenbanger alirtem ajak kümzük.

Tanü nikongdang Uttarakhand Chief Minister Pushkar Singh Dhami aser Union Minister VK Singh nati mapa inyaker anir adokdang pelaa agizük.

Prime Minister Narendra Modi-i lungpok nung anenbanger alirtem aser parnok kibongtem tasü aitba den rescue personnel nem tenüng sang agütsügo.

Naga nunger alidak Kuki-Zo sentong magidaktsütsü

Imphal, November 28, 2023 (Agencies): Tangkhul Naga Frontal Organizations (TNFOs) aikati Manipur nung Naga nunger teimba ser aliba tesemtem nung Kuki-Zo nunger sentong magitsü tenokdangba agütsügo.

Kuki-Zo lisopurtemi November 29 nü Manipur dak alia tanga state pungu nung rally tulu ka agitsü sentong lir.

Manipur nung Naga nunger ika telemetba agiba ajanga Kuki-Zo nunger tetsükdaktsü ajurutsü akok kechiyong parnoki "separate administration"

"Onoki kin ajak den tiptema alitsü noktaker aser tang kin o kin mangatettep nung shinga tsütsü meshii tiyongtsü nung dang alitsü" ta TNFOs-isa ashi.

TNFOs nung Tangkhul Naga Wungnao Long, Tangkhul Head Man's Association, Tangkhul

Shanao Long, Tangkhul Katamnao Sakineg, Tangkhul Mayar Ngala Lon aser Tangkhul Youth Courie dena lir.

Manipur nung Kuki-Zo-Hmar MLA 10-i Manipur nung lisopurtem asoshi "separate administration" meshir.

Parnoki Aizawl nung Mizoram chief minister Zoramthanga den ajurutepogo aser pa dang Manipur nung Naga MLA tem den jembishinütsü teyari meshiogo.

Züngsem 60 agi akumba Manipur legislative assembly nung Naga nunger MLA 10 lir.

Minister Kenye-i Naga nunger sobaliba wazüka ayutsü ayongzük

Tseminyu, November 28, 2023 (TYO): Rengma nunger RSA Ground Tseminyu nung Ngada benjung kanga longsolongbena mongogo.

"Naga nunger sobaliba sobutsü agir benjung balala amonger. Naga nunger ya kin balaka lir aser asenok oboula nunger sobaliba aser inyaksangshi nung tera yanga lir. Asenoki asen sobaliba atema nüma atanger aser teti nüma atangtsü" ta Power & Parliamentary Affairs Minister K G Kenye-i tetushi tejaoker ka ama jembidang ashi.

Paisa district tasen dang Chief Minister Neiphiu Rio lenistuba kubok sorkar den amaliteptsü aser kümeli state renlokba aser tejakleni aoba mapa nung yariteptsü ayongzük.

"Rengma nunger asoshi Ngada benjung ya kanga tongtipang lir kechiyong iba ya tenüng sang agütsüba aser pelatepba mapang ka lir" ta MLA aser DPDB Chairman Jwenga Seb-ia ashi.

Iba benjung ya aluyimba senmang nung tera yanga lir aser aluruwa tembangba aser alimai molamoshia moatsür sayur" ta pai ashi.

"Asenok adenshitsü atema benjung ka dang masü saka

"Uttarkashi nung aayangertem kümzütsü mapa takok anguba atema asenok ajak pelar. Lungpok nung anenbanger alirtem tasü aitba aser arenzükba ajanga nisung ajak ajungmesogo. Nenok ajak temang tajung akümtü moatsür. Mapang talangka lir sülen asen medemertem i parnoki meimertem den ajuruteptsü. Ano parnok kibongtemi arenzükba ataba aser tasü aitba atema tenüng sang agütsür" ta PM Modi-i ashi.

Nisung 41 temai aniteta ba sülen Chinalisaur nung mozü ki kati anir ogo. Idakji parnok medical examination agitsü aser observation kubok ayutsü.

"Parnok temang jungjunga tendangtsü aser doctor tem supervision kubok ayutsü aser iba sülen jiang mozü kidang nungi yoktsü. Parnok ajak anema dang lir. Parnok stretchers nung anir adoktsü melena parnok sasa dang lungpok nungi adok" ta Uttarakhand chief minister Pushkar Singh Dhami-i ashi.



Kohima District Planning and Development Board senden menogo



Dimapur, Yimpoksü/Nov. 28 (TYO): Kohima District Planning and Development Board (DPDB) ita shia amenba November ita senden DPDB Conference Hall, Kohima nung November 28, 2023 nü mena liasü.

Iba senden ya Deputy Commissioner aser DPDB Kohima indang Vice Chairman, Kumar Ramnikant IAS lenisüba kübok mena ken o balala jembia liasü.

Senden nung DC Kohima ajanga züngsemtem pela agizükba sülen anepdang lokti nübutok nung shilem agiba

atema District Offices, Kohima Municipal Council (KMC) aser Kohima Chamber of Commerce and Industries (KCCI) dang pelaba lemsatep.

Pai District Offices tem dang pei office nung nübutü mapo inyakba indang osang agütsü ashi.

Oriental College Kohima Alumni Association ajanga parnok society registration atema asüngdang aser Board-i sorkar dangi abentsü lemtet. Society of Victory Ministries indang ontük benoka jembi aser verification asoshi tepang agi agzuka liasü.

DPDB nung Department indang tebilemtsü benoka jembitsü DC Kohima ajanga department ajak dang ajungshia liasü aser anu Statehood Day aser Hornbill Festival 2023 nunga ajaki tajangshiba balala alitsü.

Chief Medical Officer, Kohima ajanga Universal Immunization Program nung department-i inyakba aser anu financial year 2023-2024 nung inyaktsü aliba indang osang agütsü.

Taruba DPDB senden nung Department of Industries dang par department inyakyim osang agütsü nungloksü.

NBSE ajanga Heads of Registered Institutions dang metedaktsür

Dimapur, Yimpoksü/Nov. 28 (TYO): Nagaland Board of School Education (NBSE) kübok aliba Heads of Registered Institutions ajuga dang teinyaktsü maparen balala atema totuyuba agütsü.

Sangdong ajanga ashiba agi, teti ama registered school tem nung model tests, preparatory classes aser remedial classes tem December 15, 2023 tashi alitsü. Anungji kaket reju ajaki kaketshirtem angazüksü asoshi yimya balala amshiba nung rangloksü aser kaketshirtem sayutsü, content jangja-jangja

sayutsü aser tatidang asoshi tajungtiba nung renemshitsü atema tongtipang topics tem sayutsü ayongzüker, ta ashi.

Iba den külemi Class XI asoshi regular classes aser Classes X aser XII asoshi remedial/preparatory classes aser revision session tem 2024 küm January tanabuba hopta nungi tenzüksüla, ta ashi.

Item totuyuba sülen anidaktsüa kaket reju tekolakpuri mera agia inyaksangshitsü ayongzüker, ta ashi.

Mkg nung Animal Health Service atema asemnü training agütsü

Dimapur, Yimpoksü/Nov. 28 (TYO): Angetyongpang Development Board (ADB) ajanga office of the Chief Animal Husbandry & Veterinary Officer Mokokchung den lungjemer Animal Health Service Provider for Angetyongpang Area atema anogo asem training agütsüba tatembang sentong November 25, 2023 nü Conference hall, State Poultry Farm, Mokokchung nung agia liasü.

Dr. B.M Sunep Chief A.H & Very. Officer Mokokchung ajanga tepela o jembi aser iba ama elected legislator kati pei constituency nung aliba nüburtem nem technical training agütsü ya state nungbo tang mezüngbuba alitsü ta ashi.

Rongsenketzung nung takoksa agütsüba aser tang tashi vaccine maliba African Swine Fever amala tashidak

aser classical Swine Fever poktetba aser danga tashidak poktet dang anepalutsü asoshi yimtsüng shia nisung karibo Bio Security mera agütsü meteta alitsü tongtipang lir, ta pai ashi.

Iba amala training ya ajanga self-employment angutsü aser yimya kanga agi tajungba nung kiset shiruru metsü tenzüktettsü, ta ashi.

ADB Mokokchung unit züngsem Imlitoshi Walling-i tepela o jembidang A.H & Veterinary, Mokokchung ajanga temolung agüja training agirtem dang yimya balala sayuba aser leniri iba ama mapo tajung inyakba asoshi pelaba lemsatepa liasü.

Training agirtem tenüng nung Alinungsang-i jembidang parnok nem iba ama maongka agütsüba asoshi pelaba aser parnoki training ajanga tajangzük anguba indang lemsatepa liasü.

Training agirtem tenüng nung Alinungsang-i jembidang parnok nem iba ama maongka agütsüba asoshi pelaba aser parnoki training ajanga tajangzük anguba indang lemsatepa liasü.

61st Statehood Day atema invitation cards/car passes agütsür

Dimapur, Yimpoksü/Nov. 28 (TYO): Deputy Commissioner, Kohima ajanga Heads of Department ajunga dang sangdong ka nung ashiba agi, 61

buba Statehood Day benjongmung asoshi invitation cards aser car passes tem DC Office, Kohima indang Establishment Branch nungi agütsü.

Item invitation cards aser car passes ya November 29, 2023 nü office mapang arua meshitsü metedaktsür, ta sangdong ajanga ashi.

Hornbill Festival 2023 asoshi mazüngi renemshiba mapang lir

Dimapur, Yimpoksü/Nov. 28 (TYO): Department of Art & Culture ajanga Hornbill Festival 2023 atema kanga mazüngi renemshiba mapang lir, kong

sobaliba tsütsü saya balala, artistic displays aser puti otsütem sayutsü. Iba benjongmung ya Naga nunger sobaliba senmang benjong ka asütsü aser iba mapang tesem balala nungi nüburtem Kisama-i puatsü aser tajangshiba balala alitsü.

Yangji kaketshir, scholars aser research agirtem azüngtsü asoshi facility agütsü, kong Naga nunger puti otsütem angazüksü. World War II Complex nunga department balalai adokba kaket tem alitsü angutsü.

Kisama nung aliba World War II Museum ya nüburtem asoshi anepdang 10:00 ako nungi nikongdang 4:00 ako tashi alitsü aser yangji tejen oset aser artifacts tem sayutsü. Akhi tatalokba angatettsü asoshi iba tesem ya tongtipang alitsü.

Miss Tseminyu 2023 korang Flora Kent-i ajangtetogo



Kohima, Yimpoksü/Nov. 28 (TYO):

Hombar aonung Miss Tseminyu 2023 tetoktepa sentong agiba nung Flora Kent-i iba takok korang ajangtetogo.

Gwasinle Keppen-i first runner-up jenjang ngutet aser Dinah Kemp-i second runner-up jenjang nguteta liasü.

Miss Tseminyu takok korang ngutetla Flora Kent-isa Miss Talent sub-title angu aser

tanabuba jenjang ajangtetla Gwasinle Keppen nem Miss Congeniality sempet agütsü.

Miss Perfect 10 sempet ya Esther Tep nem agütsü aser Miss Photogenic sempet ya Soshale Khing-i ngutet.

Iba sentong ya Rengma Mothers' Association-i ketdangsüa ananü Ngada benjongmung nung shilem ka ama RSA Ground, Tseminyu nung agia liasü.

Tuensang nung "Silent Screams" movie saya



Dimapur, Yimpoksü/Nov. 28 (TYO):

International Day of Elimination of Violence Against Women nüngtem nung Deputy Commissioner, Tuensang, Lihrongla Tongpi Rutsa-i November 25, 2023 nü DC office chamber nung awarebess movie "Silent Screams" saya liasü.

Iba movie ya sempet balala ngua film yangluteter Bendang Walling-i direct asü aser District Administration, Sakhi One Stop Centre aser District Hub for Empowerment of Women (DHEW) Tuensang lungjemer yanglu liasü.

Iba movie ya sempet balala ngua film yangluteter Bendang Walling-i direct asü aser District Administration, Sakhi One Stop Centre aser District Hub for Empowerment of Women (DHEW) Tuensang lungjemer yanglu liasü.



Uttarkashi district kubok tang yanglua aliba Silkyara Bend-Barkot Tunnel nung sabanga aliba mapa inyaker 41 kumzuktsü asoshi inyaktepba mapang Ambulance tem renema aliba noksa nung angur.

Odisha: Vigilance-i police inspector ka ket nungi sen lakh 32.5 apu

New Delhi, Yimpoksü/ November 28 (Agencies): inspector-in-charge Susanta Satpathy pua liasü. Pa Hombarnü nikongstsütsü lakh 1.80 nguteta liasü. Maneni Boipariguda nungi Cuttack-i bus ka nung mener oya aliba mapang pua liasü, ta ketdangsürisa metedaktsü.

Police ketdangsür ya sota yuogo aser pa tang talidak ki aser pa meyong ki balala meitaogo.

Osang tejangja ka angazükba sülen vigilance team-i, Koraput district nung Baipariguda police station

Vigilance team-i pa ket nungi sen lakh 2.70 apu. Sen ya kechi nungi aru iba indang kuli tejangja magütsütetba sülen pa pua liasü.

Vigilance team yagisa Hombarnü nikongstsütsü Boipariguda police station nung

West Bengal Legislative Assembly nungi Suvendu suspend sütsü

Kolkata, Yimpoksü/ November 28 (Agencies): West Bengal Legislative Assembly-i Mongolbarnü BJP lenir aser Opposition lenir Suvendu Adhikari Winter Session nungi suspend sütsüogo. Pai House nung mepetmesü adokdatsüba atema suspend süja liasü.

Constitution Day (November 26) dak sendakba nung bangzük ka yangluba mapang Adhikari house telung nung yimyim ayimba atema Trinamool Congress MLA Tapas Roy-i pa anema ken o benoka liasü. Adhikari-i ochi mashi ken o balala nung TMC MLA temapuba anema yimyim ayima liasü.

BJP MLA temisa sorkar magizükba temaitsü poster tem

amer longkak ait. Iba sülen Speaker Biman Bandyopadhyay-i tekümdangtsü metedakjaka Adhikari aser tanga BJP MLA temi house toktsür ao.

Speaker-i telemtetba agiba anema jenjang agitsü asoshi BJP legislature party-i asadangdar. Source kati ashiba agi, parnoki Bodhbarnü Speaker anema no-confidence motion ka benoktsü.

Iba sülen TMC MLA temai West Bengal nem centre-i scheme balala atema sen magütsüba asoshi Assembly kima Ambedkar kerakyanglu jakdang longkak aita liasü.

West Bengal Assembly Winter Session, November 24 nü tenziük aser December 7 nü tembangtsü.

"Onoki aibelen kecha memena: Karnataka DyCM Shivakumar



New Delhi, Yimpoksü/ November 28 (Agencies): Telangana ater Gujarat densema linük kubok tesem balala nung ataloka arudar. Paper leak asüba dak sendakba nung Rajasthan nung dang ozüng tesashi yanglua lir. Onoki paper leak asüba ken o tem nung jenjang tesashi agiogo," ta Ashok Gehlot-i ashi.

Telangana nung assembly election ya November 30 nü agitsü aser iba election atema nüboyimba sentong Mongolbarnü tembangogo.

Telangana nung taküm BRS, Congress aser BJP kanga sashia tokeptsü imlar. Vote ya tanga state pezü den külemei inyakba indang dang shisema lir.

"Onoki aibelen kecha memena. Karnataka sorkari shinga danga vote memeshi. Onoki kechi nungi aibelen?" ta Shivakumar-i EC indang notice dak sendakba nung asüngdanga liasü.

"Onoki vote memeshi. Opposition-i onoki nangzükba ama minyak ta ashiba mapang ka nung Karnataka nung onoki scheme balala benoka inyakba indang metedaktsütsü asoshi advertisement tem agütsüogo," ta Shivakumar-i ashi.

"Ads tem ya opposition-i Karnataka sorkar anema jembiba atema telangzüba agütsüba lir. Onoki nangzükba metedaktsüogo.



Vice President Jaldees Dhankhar-i Rajya Sabha Internship programme (RSIP) 2023 mapang university balala nungi kaketshirtem den sensak asema noksa nung angur.



TIR YIMYIM

YIMOBILEM (EDITORIAL)

DIMAPUR RASEMNÜ, YIMPOKSÜ (YIMPOKSÜ) 29, 2023

Takar akümtsüba lenmang

Tanü putu nung ya nisung ajaki takar kümner saka ano tangar nisungtem dang nungibo asenokisa takar tekünnüba amato asenoki inyaker. Atangji, takar kümnnüba nungji kecha tai mali saka takar mekünnüba nisungtemjiang tangartem dang nungi nisung balaka asütsü. Ajisüaka, takar akümtsüba ya temela masü aser ano takar kümner külénang taküm nung teinyaktsü teimba aser khuret tuluba akümtsü. Aji oda, takar ya koma akümer aser kechiba takar kümner ta asüba tasüngdangbatem ya asenok ajak mulungjang nung bilema takar akümtsü merangra, iba lagi takar akümtsüba lenmang aika ngutettsü. Atangji, takar kümnbajai aikati taginütsü ajak agiteta jangratema alitsü asoshi kümner, ano karibo tarutsü nung pei chirnurtem timtema melidaktsünuba agi takar kümner aser ano karibo tangar yaritettsüa alitsü atema takar kümner. Item nükjidong aser taginübatem balala pei nükla nung yur nisungtem takar akümtsü merangtepba ya jangratemsüka aser tenükshitsüka lir. Ano külénbo tanü lir asüng malitsüba lima nung tangartem dena tamajung agittepba aser pei temang nung tashidak kaotsüa takar akümtsü atema inyaktepba mapatem ya kanga tamashi mapatem amai bileyer. Ajisüaka, alima nung kenü alitsü asüyonga rongsenbosa nüngdaker, anungji rongsen bushitsüba yabo nisung ajak asoshi nüngdak akümer. Aji oda, pei nüngdak asoshi rongsen bushia-bushia ano pei nüngdak dang nungi tali rongsen bushinüa aiter, idangji temoatsü aketer nisungtem takar akümer. Ajisüaka, takar akumba rongsen ajakji temoatsü dangbo masütsüa akok, aji tebushiba aser taruba dak aket, anungji asenok takar akumba ya kechi komaka lenmang nungi takar aküm ta asübaji kanga tongtibang lir. Atangji, takokeribo takar akümtsüba lenmang aika ngutettsü aser yamaji kecha meinyakia manger sangwa nung melamelaa takar kümtettsü. Nisung nük agibö ajisa tajungba amai angutsüa akok aser nisung mulungjang nungbo ajisa tajungba amai bilema alitsüa akok. Ajisüaka, shitakba senmang kuma agitsüa takar akümtsüba lenmangbo ana dang lir, aji ka Teindang shisatsü aser ka Mapa meranga inyakba. Atangji, meindang shisatsü agibö aser meranga meinyakra takar makümtsü ta masü, ashiko meindangba lenmang leni ao nung dang temelaba aser takarba akümtsüa akok saka meindang len nungi akabaji melamelaa maka akümtsü. Tia mejungika, tanü tensa asenok loktiliba nung melamelaa takar kümlı aser melamelaa sentütsür kümlı ta atalokba angur. Itemji, ashiko, mashilen nungi bendena akaba agi asütsüa akok. Aji oda, taküm tatsüka nung yakta takar kümner ano yakta sensaker danga teküpokba jenjang nung sentütsür kümner taküm atemtsüba kanga tesasatsüka lir. Alima nung kechisarina ajak atema inyakyim kaka lir, anungji iba inyakyim nungji shirurua aser süngdonglidonga kobasa melamelaa aiener, itemji melamelaa asü. Aji oda, asenok nisung shia asoshia taküm lenmang kaka lir aser iba taküm lenmang nungji aodang indangindanga mejajai tanga lenmang tajungba aser tesadembä len pezüa ilen nung lagi dang asenok tadongtsü ka atongtsü merangra matongtsü. Tsüngremer sentong nungbo, ashiko asenok ya küm metsü sülen dang takar akümtsüa sentong renemja alitsüa akok, ajisüaka aji matatet asenoki yakta takar kümnnü dang küm metsüji atongdangbo asensasa asen sensaker kümner alitsüa akok. Kasaji, ashiko Tsüngremer sentongbo asen masü saka asen chirnurtemang takar kümdaktsütsü sentong alitsüa akok saka asenoki meindanglen nungi takar kümnnü dang chirnurtem takar akümtsüba temoatsü ajak agimaa agir parnok nembo sentüang yutsür aotsüa akok. Ibajı kodang asenoki angateta rongsen bushidir, asenokji teindang nisung kümner alitsü aser meranga aser nendaka inyaktsüba asen taküm yimya akümtsü. Idangjibo, memetetika asenok takar kümner alitsü aser iba ama akabajibö teti atema asütsü.

OLEMSABANG

ARASENTSÜR, ASÜYIM ASER TASÜBA

~ P. Renty Jamir

(Yashi adok nungi...)

Aser lai tebuba kanga menungra tanaben kinungbu ajurutsü yongyar. Dr. Billy Grahamia la dang nai na sur nübuba ajurutsü ta shia lir ta laisa ashi. Kechiyong Billy Graham aiben America Presidenttem Adviser ka ama inyakasa liasü. America Presidenttemi parnok amala teshiteter tanela ain akar arasentsür teyari aser shisatsü bushia yimsü asür.

Adianu shirsa iba akümlir wadang toktsür kecha passport mebeni border ajangteta melamela asüyim tongteta yangji oa lir. Iba lima ana tsüngda lenla (distance) talang masü. Aser parnok yangji oa lir ta temetetdang. Saka Arasentsür dak alema asenoki parnok den jembitsü makok. Nisungi. Ita petinu tashi oteta parnok den reprangtepa jembiteter. Saka asüyim nung alir denbo mejembiteter. Anungji nüngtoko kentener Mike Manuel pai ken yamai mejema atenba angashir. Kotak nung phone ali asübo, ni kütsü dang tatembang o ka oja ni na meimer ta shila, "If there is a phone in Heaven, I'd call to talk mama one last opportunity to tell her that I love her". Yamajisa ano 08-12-2009 osang kaket nung yamai angu "Lt. Ramchy Chang asüba mezüng anogo (1st death) kinunger, wife and children parnoki yamai zülu. It is truly said, "If Heaven had a phone we'd call you every single day how much we missed your presence". Kotak nung phone ali asübo onoki anogo shia ne den jembila, na mali onok koda rongjener. Tetsüngda talang masü saka alima nung alirtemi asüyim nung alir den jembitsü makoker.

Alima ana koba ka teti atema masü (temporary) aser ka kodanga masütsü. Iba tanabuba lima atema John Newtoni kodang pa tasütsü mapang atong yamai ashi, "Ni ano tasüba lima nung lir, ni yakta kodanga masüba lima nungji alitsü". Ano Greek nunger Socrates-ia pa tasütsü mapang yamai ashi, "Pilatsü mapang tongogo onok, onok lenmangi aor aser nenok alitsü. Shirnok tajungba aji Tsüngremi dang metet." Ano shiner tulu Nastradamus-ia 01-07-1566 nung yamai ashi, "Kü mapang tongogo, ni asüngbo malitsü." 1977 küm to onok yimer arishi küm 60 tain ka mapang talangka shiranga lir kinungtsü den chirnur aser semchir aika toktsür joko, taküm tatemleni arur ta metet nung pai yamai ashi, "Tasütsü ya kecha tetsübutü mali, ni kecha mesünü mali. Tasüba indang Greek nunger shisa takar Platoi yamai ashi, "Shingaia mesihteter saka tasübaji nisunger atema temoatsü tulutiba.

Tasüba ya amua aor dang ta ashir aonung mejangba amadang. Mejangba (sleep) aser tasüba (die) tena tepilaji ka kong mejang yangji saaktsü (wake up in this side) saka kabo alima tasen ka nung oa saaktsü (wake up on other side).

Ken mejemer German nunger Lugwig Van küm 29 tenük poker lila 1829 nung asüdang pai pelashishia (I shall see in Heaven) ni kotank nung angutsü ta ashi. Asüyim nungbo tenük telen mabensar lemta matar mali. World War II tatemlen 1945 Nazi concentration Camp nung America nunger Sepoy tepuoker kati February ita nung konung yamai pungmang, "Nisung kati pa dang nai kechi metetnür ta asüngdang, anungji pai ashi onok puoka alirtem ya kodang chioktsü aser iba timtem ya tatem kati arutsü." When our camp would be liberated and sufferings come to an end." Idangji nisungbajagi tanemi miima pa dang March ita semer nü atemtsü ta ashi. Futively he whispered to me March thirtieth. Anungji pai pelaseta pungmangji pa medemer külem tepuoker Viktor E. Frankl dang ashi. Iba pungmangji pungmanga yur pa tesüngmangtsü pelar. March 30 ji atongtsü yongyaseter. Kechiaser tsükchir ket nung tesüngmangtsü reshikangshir chiyungtsü kecha maka timtemer, mozü maka shirangteper. Takümji shiruru agia memeyong benshir. Par medemer tashitak tapu balala tonger teimba sümar. Saka rara tatemer, tongpang kokyonga aoba angashir. Parnok chioktsü teimla nung atateper. Pa March 30 ji atongtsü yongyaseter. Kodang March 29 atong pa ajungbena high temperature atua shirang, joko March 30 nübo unconscious nisungbo memetet aser March 31 Dyphus tashitak agi asü. Pa atema war tatem ali timtem reshikangshi tatem. Aor Shin O ka nung bangpet jembibaji TASÜ NÜANG MAPA TATEM. Asenok ajak asüyimi aotsü, junga alir anüdokleni aotsü kar anülulen aotsü. Anungji nisung ajaki teti shisa ka-a tasütsü renema alitsüla. Tasübai küm, ita, anogo indang memetet. Mapang indang memetet. One should be always be prepared philosophically for death knows no age no season. Tanelo sota ayutsü nisung shinga daka tashi mali, mesüra tasüba anogo madak pa ain mali. Kechiaser akümliri parnok asütsü ta metet saka asüri kecha memetet. Sayu.-08:08, 09:05.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazüngeri angateta agitsü mepishir

Taraba state Nigeria nung tamanger ter tepset

Abuja, Yimpoksüi/Nov. 28

(Agencies): Fulani shiruru metsürtem südi ta temolung melemi aliba telok aser danga kiralongrar temi Hokulbarnü (November 24) Taraba state, Nigeria nung yimtsüng kar maka tamanger 10 shi tepset ta osang ajanga ashir.

Lendong agütsürtem yagi Takum anasa Yangtu Special Development Area nungi Ussa County nung aliba yimtsüngtem nikongdang 6:00 ako meta amak ta yangji alirtemi ashir.

"Yangtu Development Area aser Ussa Local Government Area nung Muslim bandits temi Hokulbar nikongdang tesem kar amak aser Khristanpur ter dak tema tepset. Bandits tem yagi Yangtu Special Development Area nung Rubur Ribasi, Nyicwu aser Ruwah kin dak amak," ta yangji alir John Chinyang-i Morning Star News dang text message ajanga ashir.

Ano yangji alir Yakubu Tinya-i ashiba agi, kiralongrar temi parnok tenük agi angur ajak dak injang khaloktsü.

"Khristanpur kar alu nungi kidangi meyipa shilangba mapang tepset aser kar pei kidang lia khaset," ta Tinya-i text message ka nung ashi.

Ussa Local Council nung züngsem Peter Shamwun-ia Ussa County kubok Kpambo Yashe amak ta ashi.

"Fulani bandits temi onok aliba tesem amakba otsü lir aser parnoki mapang shia onok yimtsüngtem amaker. Bandits temi Takum-Ussa lenmang aser Yangtu community temeket nunga danga tesemtem nung meita atar amaker aser yangji Khristanpur aika takum samaogo. Aser security agents nungi tenokdangba makai item kiralongrar yagi onok aliba tesem amaker," ta Shamwun-i ashi.

Iba ama lendong agütsüba ya ajanga yangi aliba Khristanpur tebang agi meshitet timtem ajuru, ta pai ashi.

"Khristanpur alu nung mapa inyakba mapang amakba ya tebilemtsü khuret tulu lir. Onok ya item shiruru metsür aser kiralongrar taochi nung alir," ta Shamwun-i ashi.

Taraba State Police Command indang odongtar Usman Abdullahi-i ashiba agi, November 24 nü nisung ter tepsetba police temi jangjateta lir aser item rongnung Hope Hassan, Rimamsomtse Lamadi, Holiness Enoch, Rimamtsiki Enoch, Egwu Hassan, Saleh Kyatiki, Ephraim Atenji, Manasseh Atenji aser Hassan Songure nungerem jangjaogo.

Yangji alirtemi ashiba agi, tanabuba jenjang nung lir. Khristanpur timba sur aliba tesem pongu - Tukwog, Kpambo Yashe, Rubur Ribasi, Nyicwu aser Ruwah amak.

Yangji alir Ure Caleb-i ashiba agi, Ussa County aser Takum anasa Yangtu Special Development Area anasa amakdang tamanger nisung ter tepset. Ano Thomas Samuel-i ashiba agi, Takum aser Ussa counties nung tamanger ter tepset.

Yangtu nung lendong agütsüba aser azüdokshiba osang governor-i angashiogo, ta Taraba governor Agbu Kefas odongtar Emmanuel Bello-i ashi.

"State nung iba ama azüdokshi anentsü asoshi Dr. Kefas-i akokba mera ajak agir. Bandit temi iba ama mapa tamajung inyakba ya tebilemtsü tulu lir," ta Bello-i ashi.

2022 küm tamangba yimsü mechii alima nung Khristanpur timba tepsetba linükji Nigeria ya lir, kong nisung 5,014 tepseta liasü, ta Open Doors indang 2023 World Watch List osang ajanga ashir.

Ano Khristanpur pua bener aoba (4,726), tashiyim amshiba mesüra merenshiba, tashiyim agi kibong akumba mesüra shi aser tekolok timtemdaktsüba nunga Nigeria ya temba jenjang nung lir, aser tamangba yimsü mechii ki aser shishilempadak tesemtem raksatsüba nungi tema nung lir. Tekülem ki raksatsüba aser linük telung nung timtem balala mechii tesem balala nung prokshiba tsütsüa Nigeria ya nung ashi.

2023 World Watch List

ajanga alima nung Khristanpur alitsü tamajungtiba linüktem asadangba rongnung Nigeria ya jenjang trok buba nung lir, koba taoba küm jenjang tenet buba nung liasü.

"Fulani, Boko Haram, Islamic State West Africa Province (ISWAP) aser danga telungpur temi Khristanpur aliba tesem meita aor, tepseter, tashiyim amshia shi nung medemer, sen meshitsü mesüra alar ama ayutsü asoshi pua bener aor," ta World Watch List ajanga ashir.

"Fulani, Boko Haram, Islamic State West Africa Province (ISWAP) aser danga kiralongrar temi Khristanpur aliba tesemtem maka tamangertem tepseter, tashiyim agi shi nung medemer, pua bener aor," ta WWL ajanga ashi.

"Taküma linük south tsütsü Khristanpur timba aliba tesemtem nung tali azüdokshir.... Nigeria sorkari ibai tamangba yimsü tsütsü reshikangshiba masü ta maneni ashir, anungji Khristanpur temeden anema inyakba memerenshi yutsür."

Nigeria aser Sahel tsütsü Muslim Fulani nisung million aika lir aser parnok dak 'extremist views' mali saka Fulani kari radical Islamist ideology sülen anidaker, ta United Kingdom indang All-Party Parliamentary Group for International Freedom or Belief (APPG) ajanga 2020 osang ka nung ashi.

ANOGO ABEN TSÜNGREM DEN

Tajemmetdak Lung

Ibri 12: 5-17

Taküma nung tia majung mapang jagi asenok ajemaludaktsür aser tashi angadaktsür. Abraham Lincoln (1809-1865) American President rongnung Tsüngrem metetba aser takok angur president ka liasü. Pa lanuwa timtema liasü. Pa schoolia küm ka mejungjai ka dang ao. Pa business nunga tamakok angu (1831) aser 1832 election nunga tamakok angu. Tanabena pa business nung tamakok angu (1835). Speaker atema tamakok angu (1838). Pa kodang sati asü, pa tebutsuji pa atema khuret ka aküm. Jabaso pezü rongnung ka dang küm 18 tashi ali. Pa Senate nung Vice President atema tamakok angu saka 1860 nung pa President shim!

Iba lima nung tamakok manguba shinga mali! Shirnoki Tsüngrem tsübur parnok asoshi tamakokji tatembang masü. Tamakok, timtem, tesama ajakji Tsüngrem maongka nungbo tashi angaba angazüka amshitsü akok.

Kechiba Tsüngremi asenok timtem aser tajemzükba tia ajanga anir? Ibri 12:9 nung temulung sua telangzüba agütsür: "Techir süaka, pa timtem-tuoshi anguba agi tashi angatsü angazük".

Tia kar dak alaka, taküma nung tamakokji Tsüngrem O aser Pai mulungba nung tashi mangaba ajanga ajurur. Tamakok ajanga Tsüngremi temulung agütsüba angazüker. Tamakoki asenok ajemaludaktsür. Lepchia tamakok angu agi asenok Tsüngrem tsüngdang apudakdaktsür. Asenoki tamakok nungi mangazüka, asenoki tamakok dang angazüker. Tenüngang Ken zülür taküma kuliji angang! "Ni timtem agi metongi alidang ni aibilena ao; saka tangbo ni Ne O benshira. Ne telatet ozüngtem ni angazüksüsa ni timtemdaktsüba ni atema tajung lir" (T.Ken 119:67,71). Tamakoki asenok tekong temerang raksatsür aser melamelaa tashi angadaktsür.

Tamakok kar asenok alema lir, saka itemji timba asenoki inyakba alir. Item tamakoktem nükjidong yur bushiba agi mita alitsü aser küm danga alitsü sayuba ajanga koda paidoktsü sayur. Ochi aser temulung lemtetba dang taochi ajanga takokji nangzük.

Taküma Bethlehem, Jerusalem aser Jordan nung Khristmas benjong mamungtsü

Yimpoksüi/Nov. 27, 2023

(Agencies): Israel aser Hamas tsüngta raraba mechii taküma Bethlehem nung Khristmas benjong thiogo.

Israel nung arogo balala asoshi denomination balala nungi bishops aser pastors temi tentetba The Patriarchs and Heads of Churches in Jerusalem ajanga iba telemetba ya November 10 nü sangdonga liasü.

"Küm shia Yisu Khrista asoba benjögmung mapang Holy Land ajungalen Khristanpuri asen Kibur aser kumtetdakba Yisu Khrista asoba bilemteta pelatepa renemer," ta parnoki zülu nung ashi.

Tekülem sentong balala nung adenba den külemi iba benjögmung mapang benjögbentsü balala nung shilem agir aser Yisu asoba tepela sayua rongsen jenti

indoka ki naro inoker."

"Saka tangya akhi ama masü. Rara tenzükba sülen tejashi aser timtem agi sünga lir. Tetsür aser tanurtem densema tai maket civilian meyirijang aika süogo aser yirua timtemtar," ta bishop temi ashi.

"Nisung jenti pei ki raksatsüba aser pei adianu asüba, mesüra parnoki meima alirtem tia mejangjaba mechii mang ayimer. Region ajunga nung pei mapa samaogo aser rongsenketzung tsütsü timtem jenti ajurur. Asenoki tanen makai yimzung asoshi khangaka rara manener," ta ashi.

"Anungji Patriarchs and Heads of the Churches in Jerusalem nung alirtemi asen arogopurtem dang tasü ita nokdaktsü aser menüngdakba nung benjögbentsü mamungtsü ayongzüker. Kasa mapang putirtem dang

Khristmas tetetzü tanüla nung Scout Troops tilaba alitsü, kong tanurtemi shilem agia yimtong süa jajar.

Israel-Hamas rara mechii taküma Khristmas benjong athiba ya Bethlehem kisüng masü.

Bethlehem nung iba benjögmung athitsü hopta ishika lia Jerusalem nung aliba Patriarchs and Heads of the Churches temi tamangertem dang Holy Land nung Khristmas benjong mamungtsü ajungshia liasü.

Kasa mapang Galilee nung aliba Catholic arogotem aser Holy Land nung aliba Council of Local Evangelical Churches temia kasa telemetba agiogo. Taküma iba benjögmung athitsü asoshi Jordan-i mezüng sangdonga liasü. Jordan nung aliba Jordan Council of Church Leaders temi iba sangdong ya November 2 nü agütsü.

AO OSHI ANGAZÜKDAK:**TANÜ ANGAZÜKTSÜBA OJANG**

Senmenok

(n) sen melen oset agütsüba (repay in kind in lieu of cash)

* Tambusangi telok nem senmenok par ak ka agütsü.

Senok

(v) aitba, nongpoka aiba (push in, leak in)

* Kilungi nisungtem senoka aidang kilem nungi tzü senoka ait.

OLONG PAITEP # 6628

1		2		3		4	
		5	6	7			
8							
		9					
10							
					11	12	
		13		14			
15			16				

TIPLÉN

1. Anenzükdak ki
3. Asür mangyimba
5. Temulung nung shisadang
8. T ____ lu
10. Takdang teralen
11. Tesa ____ a
13. Ajungjena temulungjang
tongtonglatsüatu
15. Tejen lai nung tesayur
16. Tsüngsak-mopung
- 5
-5
-5
-3
-9
-3
-3
-5
-5
-5
-5
-5
-5
-5
-5

LANGTSÜNGLEN

1. Reprangdaktsü
2. ____ ur
4. Kiojen yanglukak
6. _____ ait
7. Nagaland nung ayong ka
9. Kim kasa purtem
10. Tetsüng tajeretdak
12. _____ adenshi
14. Tsünsüenbangtsü abdkak
- 4
-4
-6
-7
-6
-6
-6
-6
-6

OLONG PAITEP # 6627 TELANGZÜBA**TIPLÉN :**

1. Kasa, 6. Rangben,
7. Mait, 9. Poktet, 11. Ati,
13. Atasa, 16. Rür, 17. Rajang,
20. Lanu, 24. Nüngjem,
25. Süra.

LANGTSUNGLEN :

1. Khu, 2. Sükak, 3. Onük,
4. Oba, 5. Anü, 6. Ratet,
7. Mozü, 8. Ita, 10. Tar, 12. Tinu,
14. Salem, 15. Aja, 18. Anünü,
19. Taju, 21. Ano, 22. Onü,
23. Kua.



Tamanger mongyin ka Alokba den sensaksem ka atema arur aco.

Tamanger mongyin ka: Alokba den sensaksem ka atema arur aco.

Alokba: Sir koda? Tanepbo kechi atema sensaksemnür ya? Tamanger mongyin: eessh... Oda ni ashia ta shinga tanga teshima noh! Saka nah! Asenok tenla ki razuka aoba ya, pastor nungi shir, staff peria ayutsüla aser Arogo nunger sen tali indoktsü, anungji nabo ni ashiba ama mesüi nü molung agi jembir amai, tenlaki ya ka nung dang külemei külembasa tajungba ta jembia senzüangma, tulur, takar kidangi oa jembiang. Parnoki ashia nungbo lokdi jaki tashi angatsüar.

Alokba: Yah! Shidak ah to.

Tangari ashiba O bener Alokba kipok sema jaja. Aikati pai ashiba angaah sentep ki mepilatsüla ta jembimeso .

Alokba teka matena pelar.

Ayah ah! Aor tem ya yamai tekolok mali noh! Süra tenlaki ya kechiba sen paikati indoka yanglu. Inti mongdang nung lemtetba temzung to züngang aser ojang süang. Nibo tangari shiang ta asüba agi apuoka toktsüba tang ar. Ni bo tenlaki tejenba nung ya dang külemtsü.

Aortem! Jungjunga shisadangang. Külemei septeper kazü nung kechi sütsü, razüka ao nungdang nütsüng teyimba akümtsü ah toh! Laishir zünger alirtem ya tenlaki razüka ao nungang parnok ah shilem agitetsü ah toh! Anungji nisung kati dang amokpanger alitsü temerangma.

Ya meteldi, Yisu nütsüng to Yirusalem nung dang ali nungbo Yisu yimsü ya prokshia moi lila, saka tesem ajaklen prokshia aoba agi tanü asenoka tamanger tajung kumer alir. Yangji angatetdi.

Tamanger mongyin: Waah mah! Alokba tang ashiba to ni nungko atoktsü ahi asüah yah!. Ni pa dang mim o ashiba to tangar dang ahi nungbo ni maksütsü ah yah! Joko ojang südi. Oh Kibuba kü dang tai tokang. Ni nübur anisatsütsü merangogo.

Meghalaya sorkari Chigitchakgre nem 'Bee Village' jaloktsür

Shillong, November 28, 2023 (Agencies): Meghalaya sorkari West Garo Hills District kubok Chigitchakgre yimtsüng nem 'Bee Village' ta jaloktsüogo.

"Onoki training, senotsü teyari, bee boxes, beekeeping tools, multi-facility building having stock rooms, training rooms aser shishilembatsü teyari agütsütsü" ta Conrad-isa ashi.

"Meghalaya nung aser talisa Chigitchakgre nung alirtemi maparen balala inyaka arur aser tesüiba küm ishika sorkari mission programs balala ajanga parnok yaria arur" ta Chief Minister Conrad K Sangma-i ashi.

Paisa CM Elevate aser YEES Meghalaya programs indang lemsatep aser lanurtem dang item nungi tajangzük agitsü ayongzük.

"Apiculture Mission 2.0 maparen tejakleni aor aser

Jorhat-Majuli sendaktepba apu April 2026 nung renemtsü

Jorhat, November 28, 2023 (Agencies): Jorhat- Majuli apu yangluba nungbo imlar ta Chief Minister Himanta Biswa Sarma-i ashi.

Assam nung infrastructure projects kanga dang tulu inyakba rongnung Rs 957 cr Jorhat-Majuli apu ya lir.

Iba apu yangluzükba sülen 2024 nungi Rs 400 crore endoka anatsülen gari lenmang yanglutsü ta pai ashi.

Iba apu ajanga upper Assam nung connectivity tajungba akümtsü aser alima nung ayong nung assetkong tulutiba Majuli den gari lenmang agi sendakteptsü.

Majuli (Kamalabari) aser Jorhat (Nimati Ghat) tsüngda approach roads dena kilometre 6.8 two-lane apu ya Rs 925.47 crore endoka yanglur.

Iba apu ajanga upper Assam nung connectivity tajungba akümtsü aser alima nung ayong nung assetkong tulutiba Majuli den gari lenmang agi sendakteptsü.

nung India sepai 18 khaset.

Northeast nung Indian Army kanga mejungi amakbaji 2015 küm Manipur kubok Chandel district nung atalokba lendong ya liasü.

Myanmar nung PDF-i Meitei telungpur ka khaset

Imphal, November 28, 2023 (Agencies): Myanmar nung People's Defence Force (PDF) aser Myanmar army tsüngda khatepdang Meitei telungpur khatepdang Meitei telungpur kubok Chandel district nung atalokba lendong ya liasü.

Manipur nung 2015 küm 6 Dogra Regiment indang convoy ka amakdang Moirangthem-i PDF aser Myanmar army

tsüngda khatepdang KYKL züngsem Uttam Moirangthem khaset. Iba mapang KYKL-i Myanmar army yari.

Manipur nung 2015 küm 6 Dogra Regiment indang convoy ka amakdang Moirangthem-i

PDF aser Myanmar army

nung India sepai 18 khaset.

Northeast nung Indian Army kanga mejungi amakbaji 2015 küm Manipur kubok Chandel district nung atalokba lendong ya liasü.

Myanmar arrtsü anasa atalokba lendong nung sepai 18 asüba den 11 kanga mejungi yirua liasü.

Manipur loksaa aotsüba inyakyim anema noktaktsü: CM Biren

Imphal, November 28, 2023 (Agencies): Manipur Chief Minister N Biren Singh-i state nung alir ajak dang tanü tensa süngejemsü atema külemei longjemtsü mepishia metedaktsüogo

Sangai Hall, Hotel Imphal kum 50 ajungba sentong ka agidang Biren-i iba tayongzükba agütsü.

UNACCO group-i shisaliok wadang nung mapa tajung aika inyakba atema tenüngsang agütsür. Tesüiba kum 5-6 tsüngda sorkari

temelensi aika bener aruogo" ta paisa ashi.

Manipur nung journalist temi timtem ajangshiba meteta lir anungji publishers-i parnok ajungtsü atema inyaktsüla. Sorkaria journalist tem yaritsü meranger aser pension fund teimba

kümtsüba den Chief Minister-i Hakshelgi Tengbang (CMHT) kubok journalists ajak dendaktsüogo" ta CM Biren-i ashi.

Ukraine yipru nung asür nisung 10 jungogo

Kyiv, Yimpoksüi/November

28 (Agencies): Rür den yipru agi Ukraine kübok tesem balala dak kongshiba sülen nisung ter süogo aser iba den infrastructure teminyaksangshi mejungi kümogo, lenmang nokdangogo aser electricity maka kümogo, ta linük interior minister-i ashi.

Iba yipru yagi Deobarnü nungi tenzüka Ukraine nung tesem balala kanga timtemdakstsüdar aser iba ajanga tesem aika power makai kümogo aser Russia-i linük amakba ajanga energy grid aser rescue service nung inyakertem mapa talila inyaka aliba nung ano parnok nem khuret talila bendenloktsüogo.

"Tsüngsang tamajungba kümä aoba mapang Odesa, Kharkiv, Mykolaiv aser Kyiv tesem nung nisung 10 süogo," ta Minister Ihor Klymenko-i Telegram app ajanga Mongolbarnü metedakstsü.

"Tanur ana densema nisung metsü yirua liasü," ta paisa metedakstsü.

Tesem 11 kübok settlement 411 nung electricity maka kümogo aser gari 1,500 dak tema kümzükogo, ta Klymenko-i ashi.

Jongdak teyari agütsürem aser tekümzükertemi lenmang tezülen asonger aliba nüburtem aika kümzükogo.

Iba yipru ajanga Ukraine anülentip tamajungtiba kongshi,

MULUNGNEN



Lt. Imliaukum (Mongseniyimti)
09/10/1965 - 20/11/2023

Ozü temeim kinungbo aser tsürabur **Wb. Imliaukum**, Deputy Secretary, Nagaland Secretariat Service, shiranga aliba mapang aser pa iba lima nungi pilar onok mangym jashi nung alidang ozü dang aria bilema yariteper tembar-medemertem, kidang-kiyongertem, Health department nung inyakertem aser temeimertem ajak dang onok mulungjang ajak agi kanga pelaba lemsateper. Nenok temeim o, sarasadem, nebo, rongsen aser temeim mapatem agi onok mulungjang nung tesünep tulu agütsüogo aser onok khuret pungbadakstsüogo. Tulusang Tsüngremi nenok ajak mosha moajangma ta sarasademsür.

- Temeim Kinungtsü, Jala aser Kinungertem.



Office of the
AO RIJU
MOKOKCHUNG : NAGALAND - 798601
"Kenoziü Yinsem"

Date: 28-11-2023

ANOGO ATSÜLANGBA SANGDONGER

Mongputeni 31 anogo TIR YIMYIM aser AO MILEN osang Kakettém nung, Ao Riju-i achaayanga agiba Arangtet Tatidang (AT), 2023 küm Tanabubareni atem Shiyim (Form) Yimpoksüi 20, 2023 anogo tashi nung agütsütsü atakzüktüsü sangdong agütsüogo. Saka nüngdak ta ajitet nung, tejangrartem asoshi iba Tatidang Shiyim agütsütsü anogo, Luchii 10, 2023 tashi atsülang.

Anogo atsülangba dak alaker taoba mapang tongteprateptsü asoshi kechi metedakstsüogo itemji temelenshi meli-i kasa dang alitsü.

Sd-
(S. Wati Ozüküm)
Tongti Zürür

ALI TAYOKTSÜ LIR

Lungmen Fellowship (Burma Camp) Sentep ki anasa.
Total 23,000 sq.ft.



Garbage Free Cities 2.0 atema Startup Gateway

Swachh Bharat Mission - Urban (SBM-U), Ministry of Housing and Urban Affairs (MoHUA) ajanga waste management & sanitation nung lanur entrepreneurs aser Startups nungi application meshir

SBM-U, MoHUA nung sen 20,00,000 tashi senotsü teyari agütsütsü

SIIC IIT Kanpur nung küm ka incubation teyari agütsütsü

Apply Now



<https://linktr.ee/siiciitkanpur>

**Last Date
15th December 2023**



**STARTUP
INCUBATION AND
INNOVATION
CENTRE
IIT KANPUR**



NATIONAL PENSION SYSTEM TRUST (NPS TRUST)
(Regulated by Pension Fund Regulatory and Development Authority)

14th Floor, IFCI Tower, 61, Nehru Place, New Delhi, Delhi 110019

RECRUITMENT NOTICE

National Pension System Trust (NPS Trust) ya Indian Trusts Act of 1882 agi melaba ama National Pension System (NPS) aser PFRDA ajanga melaba danga scheme nung subscriber yaritsü asoshi Pension Fund Regulatory and Development Authority (PFRDA) ajanga amenok.

2. Tsünglanglen tejangga agüja aliba ama NPS Trust ajanga temsüa aliba Indian senso dang Officer Grade B (Manager) aser Grade A (Assistant Manager) post atema application meshir:

GRADE	STREAM	NUMBER OF POSTS						OUT OF WHICH PwBD
		UR/GEN	OBC	SC	ST	EWS	TOTAL	
Grade A (Assistant Manager)	General	-	-	1	-	-	1	-
	Risk Management	-	-	1	-	-	1	-
	Investment and Research	-	-	-	1	-	1	-
TOTAL NUMBER OF VACANCIES							3	-
Grade B (Manager)	Risk Management	-	-	1	-	-	-	-
	Finance & Accounts	-	1	-	-	-	-	-
TOTAL NUMBER OF VACANCIES							2	-

3. Eligibility criteria, selection yimya, application agütsüyim, fees agütsütsü aser appointment indang terms and conditions densema danga totuyuba tem NPS Trust indang website www.npsttrust.org.in nung angutsü.

4. Temsüa aliba candidate temi 25.11.2023 nungi 24.12.2023 tsüngta apply süettsü.

5. Mashi mapang NPS Trust ajanga iba recruitment exercise yanglushitsü/athitsü/agentsü tashi lir. Iba vacancy notice nung temelenshi lira, NPS Trust indang website nung dang angutsü. Application agütsütsü atema 24.12.2023 ya tatem asütsü.




Scan the QR code to visit
<https://npstrust.org.in/>

General Manager

CBC 15112/12/0003/2324

CBC 2020/10/0006/224

Aryna Sabalenka Brisbane nung asayatsü



Yimpoksüi/November 28, 2023 (Agencies): Aryna Sabalenka, Brisbane International nung shilem agia Australian Open title defend asütsü asoshi renemshitsü, ta asayamung ayongertemi Mongolbarnü metedaktsü.

Elena Rybakina shiba Sabalenka-i Melbourne nung final nung tsükdakra liasü, la-a December 31 nungi January 7 nü tashi Brisbane nung asayatsü aliba asayamung nung ya shilem agitsü.

Grand Slam pezü tashi koker alila Naomi Osaka-a iba asayamung nung asayatsü asoshi jangjaogo, shiba mapang nung tetsürla ana yagi tatsüka masayai lir tang ano asaya tenzüktsüba lir.

"2024 Australian season Brisbane nung asaya-a sensaksema mapang ashi. Teburtem asaya nung United

"Australia ya ni atema kanga tongtibang tesem ka lir kechiyong ni idaki mezüngbuba Grand Slam koka liasü," ta laisa shisem.

Tournament director Cam Pearson-i shiba agi, Belarus tsür Sabalenka aser Moscow nung asola Kazakh tsür Rybakina ya iba asayamung nung shilem agitsü atema pelashishia agizüksü yongya atar.

"Asenok ajaki küm asayamung nung asayatsü tetenzüklen Australia Open final

asoshi jangjaogo, shiba mapang nung tetsürla ana yagi jaingradema asayaba bilemteter," ta pai

osangbenertem den sensaksema mapang ashi. Teburtem asaya nung United

States nunger world number 17 Ben Shelton-a shilem agitsü aser Grand Slam asem tashi koker alisang Andy Murray-a asayatsü jangjaogo.

Pearson-isa, Australia nunger Nick Kyrgios mapang shitak nung tanepstsü ngutetra pai pa pelashishia agizüksü, ta ashi.

"Onoki pa idaki asayadaktsüner. Pai taoba mapang iba asayamung kokogo aser pa fan temi kanga sapuba asayar ka lir, ajisüaka pa tanepstsü takaratiba nung angutsü atema takokba tashi inyaktsüla," ta pai ashi.

Kyrgios January ita temekok surgery agi aser Wimbledon nung asayatsü bilema liasü saka tekanük nung ligament shisaba ajanga masayatet aser tang tashi masayai arudar.

ken o ka benoka liasü. Election meno magiba sülen United World Wrestling (UWW)-i WFI nem tekümdaktsü metedaktsü aser atakzükja aliba mapa tsüngda election magira suspend sütsütsü ta shia liasü.

Indian Olympic Association-i shimba ad-hoc panel-i mezung July 6 nü election agitsü renem saka Maharashtra, Haryana, Telangana, Rajasthan aser Himachal Pradesh nungi disaffiliated state telok kari ken o benokba sülen ano July 11 nü ang agitsü thinena liasü.

Kasa mapang nung UWW-i shiba ama WFI suspend sütsütsü.

Maneni iba sülen ano okadak tetuyuba dak ajemdaker election anaben tashi thinenogo. Ajisüaka August 12 nü election agitsü anogo ka lia Punjab aser Haryana High Court-i stay order agütsüba sülen tang tashi magititi arudar.

SC-i election agitsü atema WFI nem temelaba agütsüogo



Yimpoksüi/November 28, 2023 (Agencies): Supreme Court-i Mongolbarnü Wrestling Federation of India (WFI) nem election agitsü atema temelaba agütsüogo. Punjab aser Haryana High Court-i election magitsü atema stay order agütsü aliba magizüki SC-i iba temelaba agütsüogo.

WFI tekolakba sexual harassment dak sendakba nung aitsüba sülen mapang shitak nung election magiba atema iba asaya achaayangba governing body-i WFI suspend sütsütsü.

India nunger wrestler tem

WFI election ya mezüngbo July 4 nü agitsü liasü saka August 12 nü agitsü atema thinena liasü. Election ya mezüngbo Returning Officer meshiba ajanga thinen aser iba sülen Assam Wrestling Association-i election thinentsü atema Gauhati High Court nung

IGA atema selection trail agitsü

Dimapur, Yimpoksüi / November 28 (TYO): 2024 academic session atema Indira Gandhi Academy, Kohima nung züngoksemtsü asoshi selection trial ka December 12 nü anepdang 9:00 ako nungi tenzüka agitsü, ta ketdangsürtemi metedaktsüogo.

Iba trail ya IG Stadium, Kohima nung agitsü. Candidate temi teküboklen agüja aliba discipline tem nung shilem agitetsü, koba arishi küm telemsa balala lir. Discipline tem yamai alitsü:

Athletics (Boys & Girls): 12-16 years. Trail nung shilem agitsü atema form tem ya trail agiba anogo agütsütsü. Registration ya kasa anogo agitsü aser candidate temi parnok tenüng züngoksema mapang AADHAR card aser Birth certificate agütsütsü nüngdaker, ta kasa sangdong ajanga metedaktsü.

Hockey India-i national camp atema asayar 39 shimogo

Yimpoksüi/November 28, 2023 (Agencies): Spain nung taruba five-nation tournament atema renemshitsü asoshi tebur national camp nung shilem agitsü atema asayar 39 tenüng Hockey India

Mongolbarnü sangdongogo. Head coach Craig Fulton-i taruba küm Paris Olympics atema inyakyim tasen ka benoktsü merangba mapang ka nung tang camp atema asayartem sangdongogo.

National camp atema shimba asayartem rongnung taoba ita Asian Games nung gold medal anguba team nungi asayar 18 prongla densema lir.

Asayartem yamai alitsü: Goalkeepers: Krishan Bahadur Pathak, Sreejesh Parattu Raveendran, Suraj Karkera, Pawan, Prashant Kumar Chauhan.

Defenders: Jarmanpreet Singh, Surender Kumar, Harmanpreet Singh, Varun Kumar, Amit Rohidas, Gurinder Singh, Jugraj Singh, Mandeep Mor, Nilam Sanjeep Xess, Sanjay, Yashdeep Siwach, Dipsan Tirkey, Manjeet.

Midfielders: Manpreet Singh, Hardik Singh, Vivek Sagar Prasad, Moirangthem Rabichandra Singh, Shamsher Singh, Nilakanta Sharma, Rajkumar Pal, Sumit, Akashdeep Singh, Gurjant Singh, Mohd Raheel Mouseen, Maninder Singh.

Forwards: S Karthi, Mandeep Singh, Lalit Kumar Upadhyay, Abhishek, Dilpreet Singh, Sukhjeet Singh, Simranjeet Singh, Shilanand Lakra, Pawan Rajbhar.

BILEMDANGANG

"Anema melira sentong ajak amajok."